

Gyoengq Canghfwen Denzyangz Dwzbauj Doiqfwen Haenh Duetgungz Demsou

“Gamgit yied bae yied bienq yiengh, mbauq sau laux nyez angqvauvau”. 11 nyied 19 hauh, gyoengqvunz Bwzswz Si Denzyangz Gih Bahbez Yangh Mbanjgamgit gag baij aen daizheiq doxdax eufwen. Gyoengqde iu le geijcib aen doihfwen laeng Denzyangz Dwzbauj haeuj mbanj daeuj itheij doxdax eufwen. Gyoengq canghfwen danq gij cwngecz fouq minz aendangj, haenh duetgungz demsou coh siujgangh, eu gij bienqvaq moq lajmbanj moq sevei cujyi. Canghfwen gaisau naeuz, diuhfwen gyoengqde eu haenx heuhguh diuhfwen Bahbez, hix heuhguh diuhfwen Dwzbauj. Aen doihfwen ndeu noix aeu miz seiq boux vunz, lai cix miz cibgeij ngeihcib boux vunz. Moix aendoih lij aeu boux eu yaemsang ceiq sughangz haenx cienmonz bae eu yaemsang, ndigah gij singfwen gyoengqde hix gok hix sang. Yienhciengz sing fwen giz hwnj giz roengz, mbouj dingz mbouj duenh, eu daengz ranzrongh gyoengqvunz lij mbouj sij baema ranz.

(Vangz Gozsun/黄国顺)



▲Mbanjgamgit doxdax eu fwen. ciengzmienh hoengh dangqamaz.

Dahsau Bouxcuengh Cigboq Daiqhuq Coengh Duetgungz

11 nyied 20 hauh, Yungzanh camh cigboq daiqhuq hozdung youq Yungzanh Yen Dacieng Cin Mbanjfuloz gawj-banh. “Gij makgaemj-gaet Yungzanh youh byot youh van, angqcoux daihgva daeuj gizneix gwn mak, gij mak vuenyungz senjdieg banggungz caemh dwg gij mak demsou gyoengq vunz ranz gungzhoj, bouxlawz haengj gwn couh vaiq di roengzdan lo.” Mbat cigboq hozdung neix gungh cigboq song diemj cung, cawjdaez doisiu cibgeij cungj huq makgaemjgaet, yinx gyawj song fanh vunz daeuj humxyawj. Aen hozdung neix youq gwnz muengx cigboq daiqdoengh gij siuliengh makgaemjgaet, daezsang gij binjbaiz makgaemjgaet Yungzanh, bang boux-ndaemmak dangdieg demsou, coenghrenez canjnieb duetgungz gunggeng.

(Veiz Yungzginh Ciengj Yangzyangz Yangz Man/韦荣军 蒋阳阳 杨曼)



▲Bouxcawjboq cingq youq baihnaj gingdouz langhbaij huq makgaemjgaet.



▲Lauxsae son lwghag baenzlawz raedceij.

Vwnzva “Feihyiz” Haeuj Ndaw Hagdangz Lozcwngz

11 nyied 19 hauh, Lozcwngz Mulajcuz Swciyen “Ranzmbanj Mulaj” segih Lozcwngz • Sinhein Saed-niemh Siujyoz hagseng hagsib gij “raedceij Mulaj-cuz”. Gij lizsij raedceij Mulajcuz gig gyaenanz, funghgwz hix daegbied, dwg aeu faggeuz roxnaeuz fagdeu youq gwnz ceij raed deu baenz dozraiz. De dwg gij meijsuz conzdungj aeu ma cang ndaw ranz roxnaeuz banh gak cungj minzsuz hozdung Mulajcuz cij yungh haenx, gij daegsaek deihfueg de gig naek, yienh’ok gij saemjgyaeu eiqsei yinxdaeuz gyoengqvunz Mulaj-cuz gag miz haenx. Gyawj geij bi neix daeuj, aen yienh neix gak aen hagdangz cungj gaenxmaenx banh gij hozdung “vwnzva minzcuz haeuj hagdangz”, yinx doenghgij hanghmoeg vwnzva “feihyiz” lumjbaenz raedceij Mulajcuz daengj haeuj gwnzdangz cungh siujyoz, mizyauq coicaenh cienziep caeuq hwnghat vwnzva minzcuz.

(Liu Gvanghfuz/廖光福)

Makgamdiengz Sihlinz Hwnjhaw La



▲Goengqvunz Sihlinz daet mak nyaengqfoedfoed.

gaen 3.5 daengz 3.8 maenz, miz 8 ci mak fat bae daengx guek gak dieg, moix ci 30 dun, dij 180 lai fanh maenz. Seizneix, Sihlinz Yen ndaem miz 20.3 fanh moux makgam, ndawde ndaem makgamdiengz haemq lai, gaenq laebbaenz 53 aen diegguhyiengh caeuq suen makgam biucinj nungzyez cehsim.

(Vangz Yenginz/黄燕群)